

RHAN 2 – ERTHYGLAU'R CYFANSODDIAD

Erthygl 2 – Aelodau'r Cyngor

2.1 Cynnwys

Bydd i'r Awdurdod 79 o Gynghorwyr (a elwir fel arall yn Aelodau). Caiff un neu fwy o Gynghorwyr eu hethol gan bleidleiswyr pob adran etholiadol, yn unol â chynllun a luniwyd gan Gomisiwn Ffiniau a Democratiaeth Leol Cymru ac a gymeradwyir gan Lywodraeth Cymru.

2.2 Ethol a chyfnodau Cynghorwyr

Cynhelir etholiadau rheolaidd Cynghorwyr ar y dydd lau cyntaf ym mis Mai bob pum mlynedd neu ar unrhyw adeg arall a bennir yn ôl y gyfraith. Bydd cyfnodau Cynghorwyr yn eu swyddi yn dechrau ar y pedwerydd diwrnod ar ôl cael eu hethol a byddant yn gorffen ar y pedwerydd diwrnod ar ôl dyddiad yr etholiad rheolaidd nesaf.

2.3 Rolau a swyddogaethau pob Cynghorydd

(a) Rolau allweddol

Bydd Cynghorwyr yn:

- (i) pennu'r Fframwaith Polisi ar y cyd a chyflawni nifer o swyddogaethau strategol;
- (ii) cynrychioli eu cymunedau a dod â'u barn i broses benderfynu'r Awdurdod, h.y dod yn lladmeredd dros ac ar ran eu cymunedau;
- (iii) ymdrin â gwaith achos unigol a gweithio fel lladmeredd ar gyfer etholwyr wrth ddatrys pryderon neu gwynion penodol;
- (iv) ceisio cydbwysu buddiannau a nodwyd o fewn y ward a chynrychioli'r ward yn ei chyfanrwydd;
- (v) hyryddo a sicrhau effeithlonrwydd ac effeithiolrwydd wrth ddarparu gwasanaethau'r Cyngor;
- (vi) bod yn rhan o'r broses benderfynu;
- (vii) bod ar gael i gynrychioli'r Awdurdod ar gyrrff eraill; a
- (viii) cadw'r safonau uchaf o ran ymddygiad a moeseg.

(b) Hawliau a Dyletswyddau

- (i) Bydd gan Gynghorwyr hawliau mynediad at y dogfennau, y wybodaeth, tir ac adeiladau'r Cyngor sydd eu hangen arnynt er mwyn cyflawni eu swyddogaethau'n briodol ac yn unol â'r gyfraith a'r Cyfansoddiad hwn;
- (ii) Caiff cynghorwyr ymweld ag unrhyw dir neu adeilad o eiddo'r Awdurdod yn amodol ar y canlynol:
- mae'n rhaid iddynt ddweud pwy ydynt yn briodol i'r person sy'n rheoli adeilad ac ni chânt roi cyfarwyddiadau i gyflogeion;
 - na chyfweld ag unrhyw gyflogai heblaw am Gyfarwyddwr Corfforaethol neu Brif Swyddog neu unrhyw uwch swyddog a enwebir at y diben hwnnw ar faterion o bolisi neu egwyddor, neu unrhyw fater sydd naill ai'n cael ei ystyried gan y Cyngor neu'r Cabinet neu'n debygol o fod gerbron y Cyngor neu'r Cabinet neu unrhyw un o'i Bwyllgorau;
 - rhaid i ymweliadau â sefydliadau preswyl ystyried preifatrwydd a diogelwch preswylwyr ac felly cânt eu cynnal ar ôl dilyn rhybudd priodol i'r Prif Swyddog priodol neu ei (h)enwebai ac wedyn caiff yr ymweliad ei wneud yn unol â'r trefniadau a nodwyd.
- (iii) Ni fydd cynghorwyr yn gwneud gwybodaeth sy'n gyfrinachol neu'n eithriedig yn gyhoeddus heb gydsyniad yr Awdurdod, neu ddatgelu gwybodaeth a roddwyd yn gyfrinachol i unrhyw un heblaw am Gynghorydd, swyddog neu berson arall sydd â hawl gyfreithiol i wybod.

2.4 Ymddygiad

Bydd cynghorwyr a chyflogeion yn cadw at eu Cod Ymarfer a'u Protocol ar Gysylltiadau Aelodau/Swyddogion a restrir yn Rhan 5 y Cyfansoddiad hwn bob amser.

Bydd pob Cynghorydd, ym mhob cyfarfod o'r Cyngor Blynyddol, yn datgan Ymrwymiad Caerdydd i ddangos yn gyhoeddus ei ymrwymiad gyda'r holl Gynghorwyr eraill i gynnal y safonau ymddygiad uchaf ac i wasanaethu buddiannau'r Cyngor, Caerdydd, ei ddinasyddion a'r rhai y mae dyletswydd ar y Cyngor iddynt.

Bydd rhoi Ymrwymiad Caerdydd yn digwydd yn:

- (a) Ym mhob cyfarfod blynyddol o'r cyngor; neu
- (b) os nad yw'r Cynghorydd yn mynychu'r cyfarfod blynyddol, drwy gadarnhad ysgrifenedig a ddarparwyd gan y Cynghorydd i Bennaeth y Gwasanaethau Democrataidd, cyn gynted ag y bo'n rhesymol ymarferol ar ôl cyfarfod blynyddol y cyngor; neu
- (c) pan gaiff y Cynghorydd ei ethol mewn isetholiad, drt gadarbgad tsgrufebedug a ddaroarwt gan y Cynghorydd ar yr un pryd â darparu ei

Ddatganiad Derby Swydd

2.5 **Lwfansau**

Bydd hawl gan Gyngorydd hawl i gael cyflogau a lwfansau yn unol â Rhestr Taliadau'r Aelodau, fel y nodir yn Rhan 6 o'r Cyfansoddiad hwn.